

– Կը բժշկեմ, – պատասխանեց նա:

– Ինչպե՞ս կարող ես բժշկել, – հարցրի ես զարմանալով:

– Կարող եմ, – դարձեալ պատասխանեց նա վճռական կերպով: – Տեսնո՞ւմ ես այն երկու մեծ արկղները, որ տանում է տէր Մեսրոպի ծառան, նրանց մէջ ամփոփուած են իմ դեղորայքը եւ բժշկական գործիքները, որ շատ անգամ ինձ հետ ման եմ ածում:

Ես յետոյ, շատ յետոյ իմացայ, որ Ասլանը ոչ թէ հասարակ բժիշկ էր, այլ մի հմուտ բժշկապետ: Նա այդ արհեստը ուսել էր Ամերիկայում, երբ Հնդկաստանից այնտեղ էր գնացել: Նա ուսել էր եւ շատ եւրոպական լեզուներ, եւ այնպէս էր սիրում արհեստը ու գիտութիւնը, որպէս հասարակաց բարօրութեան գործը: Այո՛, ես շատ յետոյ իմացայ, որ նա տէր Թողիկի դպրոցից փախչելուց յետոյ իրան նոիրել էր ուսման եւ բարձր գիտութիւնների...

– Լաւ, քանի որ դու բժիշկ ես, այլեւս կասկածելու ի՞նչ ունես: Ես ինչո՞վ կարող եմ խանգարել քո դերը, – հարցրի ես:

– Ես այնտեղ պետք է գաղեմ իմ հայութիւնը... – պատասխանեց նա վրդովուած ձայնով, կարծես, նրան խիստ ծանր էր արտասանել այս խօսքը:

Նոյն օրոյ էրեկոյեան պահուն, երբ մուրճը պատել էր աշխարհը, մենք մտանք Վան քաղաքը:

Առաջին հատորի վերջը: